

Arkiv	Saksbehandlar	Møtedato	Sak nr.
352.2	Knut Øyjordet	23.09.20	36/20

SØKNAD FRÅ HYTTEFESTARAR VED NEDRE SJODALSVATNET OM OMLEGGING AV KJØRESPOR

Saksdokument:

1. E-post frå Statskog av 29.04.20 med vedlegg.
2. Brev frå Statskog av 05.06.19. Referat frå synfaring 24.05.19 ang. veg ved Nedre Sjudalsvatnet.

Saksutgreiing:

Bård B. Lykstad, Morten Visdal og Ola Kvarberg har søkt Statskog om omlegging av kjørespor i samband med tilkomst til hytter. I søknaden står det:

Vi viser til møter, telefonsamtaler, befaringer og tidligere korrespondanser. Det forsøkes her å finne en løsnig på en utfordring med trase for ut- og inntransport til hytter på festet grunn. Flere alternativ har vært vurdert, men vi har samlet oss om bruk av trase som ble anlagt i forbindelse med framføring av el-kabel tilhørende Ola Kvarberg og Harald Sve Bjørndal, som vi ser på som den beste løsningen. For å få plass til alternativ trase må eksisterende veg fra FV 51 knyttes sammen med kjørespor langs kabeltrase. Dette vises inntegnet på kart. Hoveddel av trase er kjørbær i dag.

For øvrig: Det forventes kontinuerlig bygge/restaureringsaktivitet på flere fester i årene som kommer og ulemper for enkeltfestere vil ved løsnig som omsøkt bli eliminert, tilsvarende vil være eksisterende konflikter.

Det er lagt ved eit kart over omsøkt trasè. Fjellstyret såg på den omsøkte traséen på ei synfaring den 25. juni i år. Det er også lagt ved referat frå ei synfaring våren 2019 i regi av Statskog der ulike parter deltok.

Vurdering:

Dagens kjørespor frå parkeringsplassen v/«Berget» og vidare austover er pr. i dag definert som utmark både av Statskog og av kommunen. Det betyr at det må innhentast løyve om motorferdsel i utmark ved transport av material og utstyr t.d. ved bygging på hytter som «soknar til» dette kjøresporet. Dette må karakteriserast som fullt framkommeleg med vanlege personbilar, i alle fall med «høgføtte» bilar. Å leggje om vegen blir difor vurdert til å vera eit unødvendig inngrep. Utfordringar med transport forbi det eine hyttefestet der kjøresporet går tett innved bygningar, må kunne løysast utan å måtta leggje om «vegen». Og ei eventuell ny vurdering om dagens kjørespor eller delar av det er utmark, vil vera kommunen og Statskog sitt ansvar.

Innstilling til vedtak:

I søknad frå hyttefestarar ved Nedre Sjødalsvatnet om omlegging av kjørespor, meiner fjellstyret at dette ikkje må bli imøtekomen. Fjellstyret meiner dette er eit unødvendig inngrep fordi ein vurderer dagens kjørespor som godt eigna for transport til hytter. Fjellstyret viser elles til vurderinga i saksutgreiinga.

Vedtak:

Samrøystes: Som innstillinga.

Rett utskrift. Går til:

Statskog

Vågåmo, 23.09.20

Knut Øyjordet (e.f)